

Press Release

Meeting of the Council of Ministers on November 4th 2025

The Council of Ministers decided to authorise **expenditure for the “Development of the Greater Sunrise gas field and to ensure that the gas pipeline comes to Timor-Leste,”** according to the project presented by the Minister of Petroleum and Mineral Resources, Francisco da Costa Monteiro.

With this decision, the Council of Ministers authorises expenditure totalling US\$16,055,897, to be executed between 2025 and 2027, for the implementation of Program A13 of the General State Budget, which covers the development of the Greater Sunrise gas field and the completion of the studies and initiatives necessary to ensure the construction of the gas pipeline to Timor-Leste.

The authorised amount covers ultra-high-resolution geophysical and seismic surveys (UHRS) related to the Greater Sunrise gas export pipeline and the Bayu Undan pipeline, which are essential for the technical and planning phase of the project.

Konsellu Ministrus deside autoriza despeza ba "Dezenvolvimentu kampu gás Greater Sunrise nian no atu garante katak kadoras ne'e dada mai Timor-Leste", tuir projetu ne'ebé apresenta hosi Ministru Petróleu no Rekursus Minerais, Francisco da Costa Monteiro.

Ho deliberaun ida-ne'e, Konsellu Ministrus autoriza despeza ho montante totál dolar amerikanu 16.055.897, ne'ebé sei ezekuta entre tinan 2025 no 2027, ne'ebé ho objetivu atu implementa Programa A13 hosi Orsamentu Jerál Estadu nian, ne'ebé inklui dezenvolvimentu hosi kampu gás Greater Sunrise no realizasaun estudu no inisiativa nesesáriu sira hodi garante kadoras dada mai Timor-Leste.

Montante autorizadu ne'e kobre realizasaun levantamentu jeofíziku no sízmiku ho rezolusaun ultra-alta (UHRS) relasiona ho gazodutu esportasaun gás Greater Sunrise no gazodutu Bayu Undan, ne'ebé esensiál ba faze téknika no planeamentu projetu nian.

url: <https://timor-lesste.gov.tl?lang=en&p=45912>

Governu autoriza despeza millaun \$16 ba Dezenvolvimentu kampu gás Greater Sunrise



Ministru Petróleu no Rekursu Minerál, Francisco Monteiro. Foto/Mídia MPRM

DILI, 04 Novembru 2025 (TATOLI)-Konsellu Ministru deside autoriza despeza ba Dezenvolvimentu kampu gás Greater Sunrise nian no atu garante katak kadoras ne'e dada mai Timor-Leste.

Ministru Petróleu no Rekursu Minerál, Francisco da Costa Monteiro, apresenta rezolusaun ho deliberaun ida iha Konsellu Ministru hodi husu autorizasaun ba despeza, tanba tuir lei, kualkér despeza ka atu inisia prosesu aprovizionamentu ba despeza ruma liu millaun \$5 tenke apresenta hodi husu autorizasaun.

“Ohin, ami husu autorizasaun ho deliberaun atu inisia aprovizinamentu ba estudu espesífiku ida ba dada kadoras Greater Sunrise nian mai Timor-Leste, nune'e Konsellu Ministru autoriza despeza ho montante \$16.055.897, ne'ebé sei ezejuta entre tinan 2025 no 2027”, Francisco da Costa Monteiro informa iha Palásiu Governu, ohin.

Nia espika katak estadu espesífiku ida-ne'e kobre realizasaun levantamentu Jeofíziku no Sízmiku ho Rezolusaun Ultra-alta (UHRS, sigla inglés) relasiona ho gazodutu esportasaun gás *Greater Sunrise* no gazodutu Bayu Undan, ne'ebé esensiál ba faze téknika no planeamentu projetu nian.

“Ida-ne'e ho objetivu atu implementa Programa A13 husi Orsamentu Jerál Estadu nian, ne'ebé inklui dezenvolvimentu husi kampu gás Greater Sunrise no realizasaun estudu no inisiativa nesesáriu sira hodi garante kadoras dada mai Timor-Leste”, dehan.

Nia lembra katak kona-ba negosiasaun, foin lalais, iha komunikaun intensiva ho Austrália aseita malu katak bele hahú filafali negosiasaun téknika nian hodi kobre ba asuntu estabese *Petroleum Mining Code*, Rejime Taxa, no Kontratu Fahe Produsaun (PSC, sigla inglés).

“Ida-ne'e ita-nia ekipa hahú tiha ona iha Outubru. Semana kotuk ne'e, Woodside rasik hamutuk ho Osaka Gas nia representante sira ho Timor GAP hasoru malu fali ho Estadu Timor-Leste no Austrália hodi ko'alia kona-ba prosesu ba oin nian, liuliu atu estabese Rejime Investability”, salienta.

Nia espika katak Rejime *Investability* ida-ne'e oinsá mak kompañia sira husi tranzisaun rejime sira anteriór nian, hanesan PSC ninia atributu importante sira ne'ebé liga ho fiskál nian Governu rua husi entidade sira atu husik hela ka relaxa hela parte balu hodi permite sira halo investimentu ba iha *Greater Sunrise* ne'e.

“Tanba ida-ne'e mak ekipa negosia hela no Dezembru kontinua filafali”, adianta.